

## **Terms and Conditions**

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

### Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

### Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Du glaubest an got stark  
an sein wort vnd an sein rart  
Vnd hast ez für ein wahrheit  
ez wirt dir noch her nach lait  
Ich bin ein nater trewen vol  
daz solt du mir glauben wol  
Daz ich durch lieb noch durch lait  
prich mein wahrheit  
Also sprach si an der stat  
wanst vmb wew dir verpoten hat  
Mein maister über daz paradys  
daz du icht werst als weis  
Als er an der selben stat  
dar vmb er dirz verpoten hat  
Du wurst als schön als er ist  
zwar in vil durer frist  
Dar vmb hat er ez getan  
des solt du dich an mich lan  
Do sprach Eva daz weip  
sam mir sel vnd leip  
Wilt ich daz für ein wahrheit  
swem ez wær lieb oder lait  
Ich wær dar zu also chlich  
daz ich des obs ez genick  
Do sprach die nater glaub mir daz  
dir mag nimmer werden paz  
Du prich den apfel an der stunt  
vnd iz er ainen in den munt  
Vnd bring den andern deine man  
so wirt er wunnichleich getan  
Vnd træt die obristen thron  
vor got in dem himel schon  
So habet ez himel vnd paradys  
vnd leit worden weis  
Eva glaubt der nateren do  
des wart si traurick vil vnsro  
Si sprach ab ainen apfel da  
Adams weip frau Eva  
Vnd as in an der selben stunt  
vnd tet auch daz Adam chunt  
Si sprach ich han mich wol bedacht  
ich han ainen apfel pracht  
Den schönsten den ich indert vant  
pey dem so tun ich dir bechant  
Daz er ist pezer dann gold  
wan ich bin dir mit trewe holt  
Lieber Adam nim in den munt  
so wirstu an der selben stunt

Vor allem ungelück frey  
seld vnd er want dir pey  
Vnd wurst zwar als weis  
als der beschif daz paradys  
Die nater hat mir daz gesait  
für die ganzen wahrheit  
Do sprach Adam zehant  
ward ez dir bechant  
Wew wo hast du ez genomen  
von wannen ist ez dir thomen  
Si sprach Adam daz sag ich dir  
wilt du ez glauben mir  
Ab dem paum nam ich in drat  
den vns got verpoten hat  
Do sprach ez Adam  
Izz ich daz obs so leid ich scham  
Vnd hiet zerbrochen daz gepot  
daz mir verpot der lieb got  
Daz wil ich nicht zerbrechen  
waz solt ich an mir rechen  
Solt ich vmb disen apfel rot  
leiden den bitterleichen tot  
Do sprach ez frau Eva  
Sweig vnd iz den apfel sa  
Vnd prichelst hewt daz gepot  
so wirstu schöner dann got  
Daz wais ich von der wahrheit  
swem ez sey lieb oder lait  
Solt ich nicht lieber frau sem  
vnd daz der himel wær mein  
Vnd auch daz paradys  
so wær ich vil vnweis  
Vil dick si wider Adam sprach  
do si den apfel an sach  
Adam du pist ein vortick man  
da von macht du nicht er han  
Des mußt du haben meinen haz  
wem solt ich erin ginnen paz  
Dann mein selbes leib  
die er ich nicht verreib  
Adam vorchtichleichen sprach  
vnd ist daz ich leid ungemach  
Daz ist von deiner schuld  
vnd verleus ich gotes huld  
Was mir da von mag geschchen  
des wil ich vor got verichen  
Daz ez von deinen schulden vert  
wan vns piden niemant mert